

五礼通考

第九
卷
第十
册

五禮通考卷第二百一

內廷供奉禮部右侍郎金匱秦蕙田編輯

翰林院編修嘉定錢大昕

參校

李太保總督慧都御史桐城方觀承同訂

直隸按察司副使和宋宗元

嘉禮七十四

體國經野

蕙田案周禮六官之職皆冠以辨方正位體國經野而夏官職方氏掌天下之圖以掌天下之地著其疆域山藪川浸人民畜牧之事最詳朱子儀禮經傳王朝禮有制國建侯二篇蓋亦爲國以禮之一鉅典也第古今沿革既多載籍浩衍虞書九共先儒以爲九邱其篇軼矣今虞書禹貢周禮及史記河渠書班史地理志而下列代史志以及桑氏欽水經

杜氏佑通典元和郡國志寰宇記鄭氏樵通
志馬氏端臨通考王氏應麟通釋下至各省
府州縣志書竝遊覽記載之語不可勝數其
言猶河漢而無極也近代爲專家之學者有
胡氏渭閻氏若璩黃氏儀研精地理於經皆
有著述其功賢於曩哲今爲舉其要領自虞
十二州夏禹貢商九有周職方春秋三傳凡
地之見於經者集諸賢之說略爲箋疏以通
古今之郵而禹貢以山川定疆界爲萬世不
可易之書其中如九河三江九江黑水等論
議紛如有關經義而導河一節尤爲列代治
河之祖特詳著之秦漢而下史志無缺第摘
其統要以見於後云

書舜典肇十有二州封十有二山濬川

傳禹治水之後舜分冀州為幽州并州分青州

為營州始置十二州封大也每州之名山嶽大者以為其州之鎮有流川則深之使通利疏禹貢治水之時猶為九州今始為二州知禹治水之後也以境界太遠始別置之周禮職方氏九州之名有幽并無徐梁幽并山川於禹貢皆冀州之域知分冀州之域為之也爾雅釋地燕曰幽州齊曰營州齊即青州之地知分青州為之於此居攝之時始置十有二州蓋終舜之世常然宣三年左傳云昔夏之方有德也貢金九牧則禹登王位還置九州其名蓋如禹貢

朱子曰舜攝帝位命禹平水土以冀青地廣分冀東

恆山之地為并州

恆山在今直隸真定府定州曲陽縣西北百四十里并州直隸真定保定府山西太原大同府境是

又東北醫無閭之地為幽州

醫無閭山在盛京廣甯縣西五里幽州今直隸順天永平府及遼東

之廣

又分青州東北遼東之地為營州

遼東地在遼永東也營州即遼東定遼等衛

胡氏渭曰舜典肇十有二州傳禹治水之後舜分冀

州為幽州并州分青州為營州始置十二州正義云

以境界太遠始別置之馬融曰禹平水土置九州舜

以冀州之北廣大分置并州燕齊遼遠分燕置幽州

分齊為營州於是為十二州

見史記集解

鄭康成曰舜以青

州越海分齊爲營冀州南北太遠分衛爲并燕以北
爲幽金氏通鑑前編曰九州之來舊矣而冀爲其北
自陶唐都冀其聲名文教自冀四達冀之北土所及
固廣矣及水土旣平人民加聚於是分冀州自衛水
以北爲并州醫無閭之地爲幽州碣石以東接青州
之北爲營州是爲十二州焉考詩書傳記所紀其後
復爲九州蓋九州爲正而幽并營不過分統青冀之
故地是以殷之制分并爲幽合青爲營分梁以入于
雍荆周之制合梁爲雍合徐爲青而并與幽冀復三
焉略見爾雅詳見職方氏所記職方幽州其山鎮曰
醫無閭其川河沛并州其山鎮曰恒山其川虡池嘔
夷然則營州其山碣石其川遼水與渭案虡池卽衛
水嘔夷卽恒水也康成云分衛爲并殊不分明通典

指爲衛水以北而金氏因之復舉恆山庠池以證尤確若以爲康叔所封之衛則并冀當以衡漳爲界而冀域北盡於平陽無是理也

又曰日知錄曰幽并營三州在禹貢九州之外先儒謂以冀青二州地廣而分之殆非也幽則今涿易以北至塞外之地并則今忻代以北至塞外之地營則今遼東大甯之地其山川皆不載之禹貢故靡得而詳然而益稷之書謂殪成五服至于五千則冀方之北不應僅數百里而止遼史地理志言幽州在渤海之間并州北有代朔營州東暨遼海營衛志言冀州以南歷洪水之變夏后始制城郭其入土著而居并營以北勁風多寒隨陽遷徙歲無甯居曠土萬里其說之有所本也劉三吾書傳謂因高山大川以爲限之意蓋幽并營三州皆分冀州之地今亦未有所考渭嘗與閻百詩論及此事百詩曰甯人著書言幽在今桑乾河以北至山後諸州并在今石嶺關以北至豐勝二州營在今遼東大甯並有塞外之地并蓋至此始有先儒謂以冀青地廣而分者殆非予時同客太原面質之曰此不過從肇者始也臆度耳其實周禮職方氏并州其澤藪曰昭余祁在今介休縣東北二十二里俗名郭城泊吾與君所共游歷者非石嶺關以南乎且亦知先儒之釋經苦心處乎知分冀東恆山之地爲并州則以周并州鎮曰恆山故知分冀東北暨無閭之地爲幽州則以周幽州鎮曰醫無閭故又知分青東北遼東等處爲營州則以爾雅釋地齊曰營州故也不然微周禮爾雅二書欲于禹九州外枚舉舜三州之名且不可得況疆理所至哉鄭康成云舜以青州越海分置營州晉地理志同然以青之分而爲營也不獨以地廣實以吏民艱于涉海故別置一州以避其險漢光武以遼東等郡屬青州後還幽州與明嘉靖十三年改遼陽附順天鄉試者略同蓋古今情形亦不相遠云今案恆山庠池嘔夷皆并之山川而並載于禹貢安得謂其地非冀域自

此以北禹功所未及故醫無閭不書非以其山在外國而略之也經紀揚州止于震澤豈可以會稽之山不載禹貢而謂浙江以南非揚域耶幽爲冀之東北境也明甚後漢書及杜氏通典皆以嵎夷地在漢樂浪元菟郡界而青州首書嵎夷既略則朝鮮句麗諸國禹時實皆在青域况遼東渡海僅數百里乎堯遭洪水天下分絕謂冀之東北前閉而後通前距而後服於理亦無礙但不可謂三州之地從古所未有至舜而始開耳且禹竭成五服至于五千自堯都以北當有二千五百里之地三州非其固有與北要荒二服將何所容哉先儒釋經未必皆是苟有確據不妨改從若此之類則又不如仍舊之爲安矣

蕙田案漢地理志云黃帝旁行天下方制萬

里畫野分州得百里之國萬區帝王世紀云

冀充青徐荆揚豫梁雍顓帝所建帝嚳受焉

通典宗其說亦謂顓帝置九州其說不見於

經然祭法云共工氏之霸九州也其子曰后

土能平九州則九州之名由來已久然刪書

斷自唐虞故今以舜十二州爲首至淮南墜

形訓所稱天地之間九州東南神州曰農土

正南次州曰沃土西南戎州曰滔土正西弁

州曰并土正中冀州曰中土西北台州曰肥
土正北濟州曰成土東北薄州曰隱土正東
陽州曰申土周禮疏亦云自神農以上有大
九州桂州迎州神州之等至黃帝以來德不
及遠惟於神州之內分爲九州此與騶衍說
中國名爲赤縣神州赤縣神州內自有九州
中國外如赤縣神州者九有裊海環之一區
中爲一州如此者九乃有大瀛海環其外之
說相似皆儒者所弗道今西洋人所繪坤輿
全圖準南北極黃赤道度數渾圓之內海外
之地正與淮南騶衍之義同莊子云存而不
論可謂善於持論者矣

地理通釋
帝堯都世紀
帝堯始封於唐
今中山唐縣

是也堯山在焉

郡縣志定州唐縣古唐侯國堯初封於此今定州北有故唐城

唐水在西北入

唐河

南有望都縣山即堯母慶都之所居也相去五十里都山一名亘山北登堯山南望都山故名縣曰望都地理志堯山在唐縣南張晏以堯山

在唐東北望都北史記堯作游成陽正義濮州雷澤縣是

後又徙晉陽今太原縣也於周在

并州之域

通志今平定軍有古晉陽城是其地

及為天子都平陽於詩風為

唐國武王子叔虞封焉季札聞唐之歌曰思深哉其

有陶唐氏之遺民乎括地志今晉州所治平陽故城

是也

輿地廣記晉州臨汾縣本平陽隋改平陽河水一名晉水韋昭云陶唐皆國名或曰堯先居陶後居唐陶今廣濟軍定陶縣唐今中山府唐

縣猶有唐城存焉或曰唐城在絳州翼城西二里括地志定州唐縣堯後所封漢書音義唐今河東永安去晉四百里即毓也詩譜曰唐帝堯舊都之地今曰

太原晉陽堯始居此後遷河東平陽

書惟彼陶唐有此冀方

正義堯都平陽舜都蒲坂禹都安邑相去不盈

二百皆在冀州通志曰自開闢以來皆河南建都雖黃帝之都堯舜禹之都於今皆為河北在昔皆為河南大河故道自碣石入海碣石今平州也所以幽薊

之邦冀并之壤皆為河南地周定王五年以後河道堙塞漸移南流至漢元光三年徙從頓邱入渤海渤海今濱滄間也

帝舜都史記舜耕厯山

書帝初于厯山往于田郡國志河東蒲坂有厯山往縣南二十里有厯山舜所耕

處括地志蒲州河中府河東縣雷首山亦名厯山南有舜井又越州餘姚縣有厯山舜井濮州雷澤縣有厯山舜井又有姚墟云生舜處也姚州外域中有舜

井城北有歷山皆云舜所耕處未詳也南豐曾氏曰鄭康成釋歷山在河東世之好事者因嬌水出於雷首遂就附益謂歷山為雷首之別號一考其真矣孟子謂舜東夷之人則陶漁在濟陰作什器在魯東門就時在衛耕歷山在齊皆東方之地合於孟子圖記謂齊之南山為歷山舜所耕處故其城名歷城今濟南府**漁雷澤**括地志雷夏澤在濮州雷澤縣郭外西北鄭康成云在濟陰地澤州陽城縣有濮澤水

陶河濱皇甫謐曰濟陰成陽縣西北墨子曰舜漁于濮澤通典志陶城在蒲州河東縣北三十里即舜所都也南去歷山不遠何

作什器於壽邱壽邱在魯東門之北今在兗州曲阜縣東北六里附寶生黃帝子壽邱

就時必定陶

於負夏孟子云遷於負夏鄭康成云衛地

堯典釐降二女于嬌汭嬌水名在今河東縣出歷山入河爾雅水北曰汭括地志嬌州有嬌水源出城中耆舊傳曰即舜嬌汭水經注世本曰舜居饒內在漢中西城或言嬌墟在西北舜所居也通典

金州西城縣有嬌墟帝王世紀謂之姚墟世本曰饒汭古文尚書周語厥內音嬌汭括地志又云姚墟在濮州雷澤縣東十三里會稽舊記云上虞三十里有姚邱即舜

嬪于虞括地志故虞城在陝州河北縣東北五十里虞山之上所生也

陽山西虞城是也舜居虞地以虞為氏郡國志太陽有吳山上有虞城括地志宋州虞城縣舜後所封外紀本處虞之嬌汭號曰有虞氏

世紀舜所營都或言蒲坂即河東縣今河中府南二里河東縣界蒲坂故城是也或言平陽今晉州城是也或言潘今上谷嬌州城是也外紀都蒲坂

書禹貢禹敷土隨山刊木奠高山大川

舊洪水汎濫禹分布治九州之土隨行山林斬

木通道高山五岳大川四瀆定其差秩祀禮所視

蔡氏集傳敷分也分別土地以爲九州也奠定也定高山大川以別州境也

冀州

錐指傳曰堯所都也正義曰史傳皆云堯都平陽五子之歌云惟彼陶唐有此冀方是冀州堯所都也又曰兗州云濟河自東河以東也豫州云荆河自南河以南也雍州云西河自西河以西也明東河之西西河之東南河之北是冀州之境也

地理今釋冀州今山西之太原平陽汾州潞安大同五府澤遼沁三州直隸之順天永平保定廣平順德宣化六府及真定河間二府西北境大名府濬縣西

境盛京之錦州府河南之懷慶衛輝彰德三府其北直抵塞外陰山下西起東受降城

今蒙古名薩爾九村

之北東訖

於大遼水也

胡氏渭曰堯都平陽今山西平陽府臨汾縣西南平

陽故城是也

冀西距河河自今塞外東受降城南

而東至山西大同府廢東勝州界折而南經平虜衛

及太原府之河曲保德興縣汾州府之臨縣永甯甯

鄉石樓平陽府之永和大甯吉州鄉甯河津營河臨

晉蒲州是爲西河與雍分界

冀南亦距河河自蒲

州過雷首山折而東經芮城平陸垣曲及河南懷慶

府之濟源孟縣溫縣武陟衛輝府之獲嘉新鄉汲縣

是爲南河與豫分界

冀東亦以河與兗分界自周

定王五年河徙之後禹河故道堙廢而冀兗之界難

分今案漢志魏郡鄴縣下云故大河向在東北入海

故大河者即王橫所云禹之行河水本隨西山下東

北去者也河自汲縣南東北流至黎陽縣西南出大

伾上陽三山之間大伾山一名黎陽山今在濬縣東南二里即賈讓所謂東山也枉人山一名善化山在縣西北二十

五里俗名上陽三山即賈讓所謂西山也濬縣舊志云在縣西十里蓋禹迹也河徙由將

東故稱此為西河自此而北歷蕩陰安陽鄴縣斥邱東接內黃魏縣至列

人斥章之境左會衡漳經所謂北過降水也應劭曰斥章縣漳水出治

北入河杜佑曰漳水橫流至肥鄉縣界入河斥章今曲周縣地肥鄉漢列人縣地蓋漳水由二縣境注於河也河自此東北入

海及定王時南徙則衡漳東出循河故道而下至東

光縣西與大河合王莽時河益徙而南漳水遂專達

於海蓋禹河之故道也以今輿地言之濬縣屬直隸大名府湯

陰安陽臨漳並屬河南彰德府成安肥鄉曲周並屬直隸廣平府平鄉廣

宗鉅鹿並屬順德府南宮新河冀州並屬真定府東鹿屬保定府深州衡水

武邑武強

並屬貞定府

阜城獻縣交河滄州青縣靜海天津

並屬河間府

皆禹時冀東瀕河之地中流與兗分界王制謂

之東河北播爲九河其經流爾雅謂之徒駭又同爲
逆河東至碣石入海後世謂之渤海者也

蕙田案冀之東西南皆距河與雍豫兗分界
處胡氏考之詳矣若冀之東北與青分界及
冀之北境則傳記俱無可考胡氏謂遼東爲
青域遼西爲冀域而北當至陰山近是

旣載壺口治梁及岐

雖指傳曰壺口在冀州梁岐在雍州從東循山治水
而西正義曰漢書地理志云壺口在河東北屈縣東
南梁山在左馮翊夏陽縣西北岐山在右扶風美陽
縣西北然則壺口西至梁山梁山西至岐山從東而

向西言之也

地理今釋壺口今山西平陽府吉州西南七里有壺口山黃河之水注其中如壺然案孔傳梁岐在雍州今陝西西安府韓城縣西北九十里之梁山鳳翔府岐山縣東北四十里之岐山也蔡傳疑雍州之山不當載於冀州指今山西汾州府永甯州東北之呂梁山一名骨脊山者爲梁山汾州府孝義縣西之狐岐山一名薛頡山者爲岐山然二山去河甚遠不得謂河水所經曾攷云壺口梁岐一役也其施功皆同時不可分言於二州故并言於冀州得此可釋蔡氏之疑

胡氏渭曰吉州漢北屈韓城則夏陽岐山則美陽也尸子呂氏春秋淮南子皆言龍門未闢呂梁未鑿河

出孟門之上龍門之上口爲孟門在今吉州西西直
陝西延安府之宜川縣其下口卽今河津縣壺口山
盡處近世亦謂之龍門者也西與韓城之龍門相對
上口至下口約一百六十餘里三子所稱呂梁山卽
禹貢之梁山也春秋成公五年梁山崩公羊曰梁山
河上山穀梁曰壅遏河三日不流水經河水南至龍
門口注云昔大禹導河積石疏決梁山謂斯處也卽
經所謂龍門矣 冀州有三壺口一在吉州西南禹
貢之壺口也一爲汾陰縣西南之平山平水所出亦
名壺口山又名姑射山酈道元謬以爲尚書之壺口
一在長治縣東南左傳哀四年齊國夏伐晉取壺口
杜注潞縣東有壺口關潞縣卽今潞城縣關以山爲
名此二山皆非禹貢之壺口也雍州有二梁山一在

韓城縣西北詩所云奕奕梁山也一在乾州西北西

南接岐山縣界卽孟子云太王居邠踰梁山者非禹

貢之梁山也

元和志誤以此山爲治梁之梁

壺口山漢志在北屈縣東

南括地志云在吉昌縣西南五十里吉昌今吉州也
後魏延興四年於此置定陽郡及縣元和志云北屈
故縣在定陽郡二十里正今州直北之地山當在其
西南漢志云東南誤也梁山漢志在夏陽縣西北而
諸志所言皆不同蓋是山綿亘百里自今郃陽縣西
北抵韓城縣西北之麻線嶺皆梁山然向南則益西
而去河愈遠唯韓城西北之山首枕西河北連龍門
當以是爲禹鑿之迹耳

蕙田案胡氏考梁岐在雍州較蔡傳爲優
觀承案治梁及岐仍以冀州之呂梁狐岐二